

«ПАСПОРТ, ЖЕКЕ КУӘЛІК БЕРІЛЕДІ» деген 1-жолда формулярды толтырудың бір немесе бірнеше себептердің (7 кодқа дейін) коды көрсетіледі, мысалы тегін өзгертуі «04 жеке куәліктің жоғалуы «09», заңды мекенжайын ауыстыру «10» және т.б.

1-ақпараттық жолдағы кодтар мынадай тәртіпте көрсетіледі:

«00» коды формулярды 16 жасқа дейінгі балаларға паспортты беруге толтыру кезінде көрсетіледі, бұл ретте 9, 10, 11-жолдарда туу туралы куәлігінің деректері жазылады, формулярдың сыртқы бетіндегі бос орынға бар болса жеке сәйкестендіру нөмірі (бұдан әрі – ЖСН) көрсетіледі. Балалардың жеке басын тексеріп, сәйкестендіруді жүргізу үшін жеке өздерінің болуы міндетті.

Формулярды ресімдеу үшін ата-аналарының бірінің жеке куәлігі, тұрақты тұрғылықты жері бойынша баланың тіркелгенін растайтын мекенжай анықтамасы ұсынылады. Формулярдың сыртқы бетіндегі бос орынға ата-аналарының бірінің жеке басын куәландыратын құжаттың нөмірі, күні және берген орган, сондай-ақ егер бар болса, жеке сәйкестендіру нөмірі көрсетіледі және паспорттық елтаңбалық мөрімен расталады.

«01» коды 16 жасқа толған азаматтар үшін көрсетіледі, бұл ретте 9, 10, 11-жолдарда туу туралы куәлігінің деректері жазылады.

Егер азамат 16 жасқа толғанға дейін паспорт алған болса, 16 жасқа толғанда формулярды толтыру кезінде 9, 10, 11-жолдарда оның паспортының деректері көрсетіледі, ал формулярдың сыртқы бетіндегі бос орынға паспортты елтаңбалық мөрмен растап, туу туралы куәлігінің деректері жазылады.

Туу туралы куәліктің негізінде 16 жасқа толған азаматтарға жеке басын куәландыратын құжаттар ресімдеу кезінде ата-анасының бірінің жеке куәлігі және ата-анасының тұрғылықты тұратын жері бойынша тіркелгенін растайтын азаматтарды тіркеу кітабы ұсынылады.

Республикадан тыс жерлерде туған адамдарға туу туралы куәліктің негізінде формулярды толтыру Қазақстан Республикасының шетелдік мекемелерінде берілген туу туралы куәлікті қоспағанда, халықаралық шарттардың нормаларына жауап беретін құжаттар бойынша жүргізіледі.

«04» коды азамат Т.А.Ә. өзгерткен кезде көрсетіледі, бұл ретте 9, 10, 11-жолдарда бұрынғы жеке куәлігінің деректері, ал 5-жолда бұрынғы тегі, ал 3 және 4-жолдарда азаматтың аты, әкесінің аты жазылады. Азаматтық хал актісіне жазба енгізе отырып, азаматтың Т.А.Ә. өзгерген жағдайда, анықтамалық деректердің өзгергені туралы куәліктің, неке қию туралы куәліктің деректері формулярдың сыртқы жағындағы бос орында көрсетіледі және паспорттық елтаңбалық мөрмен р а с т а л а д ы » .

Мемлекеттік тіркеу күннен бастап неке қиюды (бұзуды) азамат бір ай мерзімде жеке басын куәландыратын құжатты ауыстыруға міндетті.

«05» коды азамат туған күнін өзгерткен кезде көрсетіледі, бұл ретте 9, 10, 11-жолдарда бұрынғы жеке куәлігінің деректері жазылады. Формулярдың сыртқы бетіндегі бос орында паспорттық елтаңбалық мөрмен расталатын, туған күнін өзгерткені туралы куәліктің деректері көрсетіледі. Анықтамалық деректерін

өзгерту негізінде («04», «05» коды) жеке куәлік, паспорт алуға формулярды толтыру некеге тұруды, некені бұзуға байланысты, сондай-ақ ұлты қазақ адамдардың ұлттық дәстүрге сәйкес тегін өзгертуді қоспағанда, 10-қосымшаға сәйкес нысан бойынша анықтамалық деректерді өзгерту туралы қорытынды (бұдан әрі – анықтамалық деректерді өзгерту туралы қорытынды) шығарылғаннан кейін жүргізіледі.

«Анықтамалық деректерді ауыстырудың шынайылығын анықтау үшін халықты құжаттандыруға және тіркеуге уәкілетті қызметкер тексеру материалын қалыптастырады, оған мынадай құжаттар: азаматтың анықтамалық деректерін өзгерту туралы еркін нысандағы өтініші; анықтамалық деректерін өзгерткені туралы куәлігі; туу туралы акт жазбасының көшірмесі; ауыстыруға жататын құжат (жеке куәлік, паспорт) жатады.

Анықтамалық деректерді ауыстыру туралы өтініштің негізділігін растау кезінде халықты құжаттандыруға және тіркеуге уәкілетті қызметкері екі жұмыс күн мерзімінде анықтамалық деректерді ауыстыру бойынша қорытынды шығарады, оны Ішкі істер басқармасының (бөлімнің) бастығы немесе оның орынбасарымен бекітеді. Қорытындыны тіркеу анықтамалық деректерін, ұлтын, туған жерін ауыстыру, жеке басын тексеру бойынша және жеке басын куәландыратын құжаттарды беру, 1974 жылғы үлгідегі паспортты жоғалту туралы 11-қосымшаға сәйкес нысан бойынша (бұдан әрі – қорытындыларды тіркеу журналы) тіркеу журналында тіркеледі. Тексеру материалы жеке номенклатуралық іске қалыптастырылады.

«06» коды жеке басын куәландыратын құжаттарда жіберілген қателер табылған жағдайда көрсетіледі. Бұл ретте 9, 10, 11-жолдарда қате табылған жеке куәліктің немесе паспорттың, егер ол жеке куәліктен бөлек ресімделсе, деректері жазылады. Егер дайындалған жеке басын куәландыратын құжаттарда өндірістік ақауға жол берілсе, жаңадан ресімделген формулярмен бірге бұрынғы формулярды және жіберілген қатесі бар құжатты Қазақстан Республикасы ІМ КҚПК-ге жіберген жөн. Бұл ретте олар жалпы тізімге енгізілмей, жеке тізіліммен жіберіледі, ал жеке басты куәландыратын құжаттарды қайталап дайындау Қазақстан Республикасы Ішкі істер министрлігі «Ақпараттық-өндірістік орталығы» Республикалық мемлекеттік кәсіпорынның (бұдан әрі – «АӨО» РМК) есебінен жүргізіледі. Жаңа құжат дайындалғаннан кейін бұрынғы (қатесі бар) құжат өндірістік ақау ретінде «АӨО» РМК жойылады, ал екі формуляр дайындалған құжатпен бірге ресімделген жері бойынша қайтарылады. Егер қателерге халықты құжаттандыру және тіркеу уәкілетті қызметкерлерінің немесе формулярды толтырған қызметкерлерінің кінәсінен жол берілген болса, онда Қазақстан Республикасы ІМ КҚПК-ге қате табылған жол көрсетіле отырып,

нақты еместігі туралы сыртқы бетіне жазба жазылып, растайтын құжаттың қосымшасы көшірмесімен паспорттық елтаңбалы мөрімен расталған формуляр жіберіледі. Қатесі бар құжат ішкі істер органында Қазақстан Республикасы азаматтарына паспорттар мен жеке куәліктер беру және ресімдеу жөніндегі нұсқаулықтың (бұдан әрі – Нұсқаулық) 49-тармағында белгіленген тәртіппен ж о й ы л а д ы .

Азаматтың фотосуреті деректер базасындағы жеке басын куәландыратын құжаттағы фотобейнемен сәйкес келмеуі анықталған кезде халықты құжаттандыруға және тіркеуге уәкілетті қызметкер құжаттандырылатын адамның жеке басын және құжаттардағы сәйкессіздіктің себебін міндетті түрде тексереді. Тексеріс нәтижелері бойынша 12-қосымшаға сәйкес нысан бойынша азаматтың жеке басын тану хаттамасы (бұдан әрі – азаматтың жеке басын тану хаттамасы) толтырылады. Азаматтың жеке басын тану хаттамасы оның фотосуреті мен біруақытта ұсынылған танылатын адамның сыртқы келбетімен мүмкіндігінше ұқсас келетін басқа адамдардың кемінде үш фотосуреті бойынша, жақын туыстарын немесе азаматты 10 жылдан артық уақыт білетін адамдарды (екі немесе одан да көп адам) тарта отырып толтырылады, осыдан кейін екі жұмыс күн ішінде қорытынды шығарылып, формулярмен бірге, жарамсыз паспорттарды, жеке куәліктерді, 1974 жылғы үлгідегі паспорттарды, уақытша жеке куәліктерді, шекара аймағындағы тұрғындардың куәліктері, 13-қосымшаға сәйкес нысан бойынша жасалған формулярлардың бланкілерін толтыру кезінде бүлінген бланкілерді жою туралы актіні (бұдан әрі - жою туралы акті) Қазақстан Республикасы ІІМ КҚПК-ге жолданады. Қорытынды тіркеу қорытындыларды тіркеу журналында жүргізіледі.

«07» коды құжат пайдалануға жарамсыз болған жағдайда (бүліну, ескіру, техникалық ақаулар, паспорттың барлық беттерін пайдалану, жеке басын куәландыратын құжатта ЖСН болмауы) көрсетіледі. Бұл ретте 9, 10, 11-жолдарында жарамсыз құжаттың деректері жазылады, ал формулярдың екінші бетінің бос орнында құжаттың жарамсыздығының нақты себебі көрсетіледі. Бүлінуіне, ескіруіне, адамды сәйкестендіру мүмкін болмауына байланысты пайдалануға жарамсыз құжат формулярды толтыру кезінде алынады, бұл ретте азаматтың қалауы бойынша уақытша жеке куәлік беріледі.

Сондай-ақ «07» коды формулярды ресімдеген кезде «қажет етілмеген» себебі бойынша деректер базасында жарамсыздар қатарына енгізілген құжаттың негізінде көрсетіледі.

«08» коды азамат өзінің ұлтын өзгерткен кезде көрсетіледі. Паспортта және жеке куәлікте ұлты туралы жазба ата-аналарының ұлтына сәйкес жүргізіледі. Ата-аналары әр түрлі ұлттан болған жағдайда, Қазақстан Республикасының азаматы әкесінің немесе анасының ұлты бойынша еркін таңдау құқығы бар.

Ата-анасының ұлты белгісіз болған жағдайда, оны құжат иесі Қазақстан Республикасы Конституциясының 19-бабына сәйкес айқындайды.

Азаматтардың жеке куәліктерінде және паспорттарында ұлты туралы жазбаны өзгертуді олардың жазбаша өтініштері бойынша ішкі істер органдары туу туралы куәліктің және қолдаухаттың негізділігін растайтын өзге де құжаттар негізінде бір рет жүргізіледі.

Ұлтын өзгерту туралы өтініштің негізділігі расталған кезде халықты құжаттандыруға және тіркеуге уәкілетті қызметкер екі жұмыс күн мерзімінде ұлтын өзгерту бойынша қорытынды шығарады, оны Ішкі істер басқармасының (бөлімнің) бастығы немесе оның орынбасары бекітеді және қорытындыларды тіркеу журналында тіркеледі. Тексеру материалдары бөлек номенклатуралық істе қ а л ы п т а с т ы р ы л а д ы .

Бұл ретте 9, 10, 11-жолдарда бұрынғы жеке куәліктің (немесе паспорттың шетелде тұратындар үшін) деректері жазылады, ал формулярдың артқы бетінде бос орында елтаңбалы мөрмен расталған ұлтты өзгерту туралы қорытынды нөмірі мен күні қойылады. 8-жолда азаматтың жаңа ұлты, ал 8-жолдың астына б ұ р ы н ғы ұ л т ы ж а з ы л а д ы .

Бір уақытта халықты құжаттандыруға және тіркеуге уәкілетті қызметкер азаматқа ұлты туралы жазбаның өзгертілгені туралы анықтама береді, ол тиісті азаматтық хал актілеріндегі жазбаларда ұлты туралы мәліметтерге өзгерістер енгізу үшін өзінің тұрақты тұрғылықты жері бойынша азаматтық хал актілері жазбалары (бұдан әрі - АХАЖ) органдарына ұсынылады.

Сондай-ақ «08» коды азамат жеке басын куәландыратын құжаттарда ұлтын көрсеткісі келмеуіне байланысты, оларды ауыстырғанда формулярды толтыру кезінде көрсетіледі. Бұл жағдайда 8-жол толтырылмайды, онда «999» коды қ о й ы л а д ы .

Азаматтардың паспорттарында, жеке куәліктерінде ұлты туралы жазбаны өзгерту туралы даулар сот тәртібімен шешіледі.

Ерекше жағдайда Қазақстан Республикасының аумағына қуғын-сүргін кезінде күштеп жер аударылған Қазақстан Республикасы азаматтарының паспорттарындағы, жеке куәліктеріндегі ұлты туралы жазбаны өзгертуге рұқсат беріледі. Ұлтын өзгерту «Жаппай саяси қуғын-сүргін құрбандарын ақтау туралы» Қазақстан Республикасының 1994 жылғы 20 мамырдағы № 1612 Заңына сәйкес берілетін ақтау туралы анықтамалардың негізінде жүргізіледі.

«09» коды азамат жеке куәлігін жоғалту себебі бойынша формулярды толтыру кезінде көрсетіледі.

Картотекада формулярдың түпнұсқасы болмаған жағдайда формулярдың түпнұсқасы жоғалғаны туралы акт жасалады.

Жеке басын және жоғалған жеке куәліктер туралы мәліметтерді растау үшін

Қазақстан Республикасы ІІМ КҚПК деректер базасынан ІІМ КҚПК паспорты елтаңбалық мөрімен расталған фотосуреті бар ақпарат сұратады.

Жоғалған жеке куәліктерін басқа өңірлерден алған азаматтар өтініш білдірген жағдайда, ХТҚ ТП жоқ көші-қон полициясы бөліністері куәлік иесінің сәйкестігін растау және жоғалған құжат туралы мәліметтер беру үшін 15-қосымшаға сәйкес нысан бойынша фотосуреттері бар (1-нысанды формулярлардың 1974 жылғы үлгідегі паспорттар үшін) көшірмелерін ұсыну туралы сұрау салу жібереді.

Формулярдың (1-нысанды) көшірмесін ұсыну туралы сұрау салуға жауап азаматтан өтініш келіп түскен келесі күннен кешіктірмей 16-қосымшаға сәйкес нысан бойынша жолданады.

Жеке басты куәландыратын құжаттарды жоғалтумен байланысты сұрау салулар азаматтардың өтініштері келіп түскен күннен кейінгі келесі жұмыс күнінен кешіктірмей жолданады, ал жауаптар олар келіп түскеннен кейін 48 сағаттан кешіктірмей сұрау салу бастамашысына жіберіледі.

Формулярдың 9, 10, 11-жолдарында жоғалған жеке куәліктің деректері жазылады. Паспорты бар болса, 9, 10, 11-жолдарда қолындағы паспортының деректері көрсетіледі. Формулярдың сыртқы бетіне жоғалған құжатты қалпына келтіру туралы азамат өтінішінің нөмірі және күні жазылады.

Азаматтың қолында жеке басын куәландыратын құжаттың біреуі болған жағдайда (жеке куәлік және паспорт) жеке тұлғаны сәйкестендіру қолында бар құжатпен деректер базасында жүргізіледі.

Азаматтар жеке куәлігін жаңа тұрғылықты жерге көшу кезінде жоғалтқан жағдайда, жоғалған жеке куәлікті қалпына келтіруді ішкі істер органдары жаңа тіркелген орны бойынша жүргізеді.

Ішкі істер органдарына келіп түскен, табылған және келіп түскен күннен бастап бір жыл ішінде иелері талап етпеген жеке куәліктер осы Нұсқаулықтың 49-тармағында белгіленген тәртіппен табылған, бірақ талап етілмеген ретінде жойылады.

Жеке басты куәландыратын құжаттың жоғалғаны туралы хабарлаған азаматтың өтініші бойынша оған тұрғылықты жері бойынша тіркелетін уақытша жеке куәлік беріледі.

Жеке куәліктерді тұрғылықты емес жерінде жоғалтқан жағдайда ішкі істер органдары азаматтардың арызы бойынша оларға тұрғылықты жерлеріне оралу үшін уақытша жеке куәлік береді, жоғалтқан жеке куәлікті беру және жеке басын растайтынын тексеруі халықты құжаттандыруға және тіркеуге уәкілетті қызметкерлер деректер базасы бойынша іске асырады.

«10» коды азамат заңды мекенжайын ауыстырған кезде көрсетіледі.

Егер қала немесе облыс ішінде заңды мекенжайы өзгерген кезде азаматтың

жеке куәлігінің "заңды мекенжайы" деген бағанында тек ол тұратын қала немесе облыс көрсетілген болса, жеке куәлігі ауыстырылмайды.

Егер жеке куәлігінде тіркелген жаңа мекенжайына сәйкес келмейтін толық заңды мекенжайы (қала, аудан, көше, үй, пәтер) көрсетілген болса, жеке куәлікті ауыстыру қажет етіледі.

9, 10, 11-жолдарда азаматтың жеке куәлігінің деректері жазылады. Бұл ретте 14-жол (бұрынғы тұрғылықты жері) міндетті түрде толтырылады.

«11» коды жеке куәлік пен паспорт төмендегі жағдайларда алғаш ресімдеген кезде: 1974 жылғы үлгідегі бұрынғы КСРО паспортын ұсынған немесе оны жоғалтуына байланысты қалпына келтірген, азаматтығы жоқ адам куәлігін ұсынған кезде Қазақстан Республикасы Ішкі істер министрінің 2002 жылғы 23 тамыздағы № 556 бұйрығымен бекітілген «Қазақстан Республикасының азаматтығына байланысты мәселелерді Қазақстан Республикасы ішкі істер органдарының қарауы жөніндегі нұсқаулыққа» (Нормативтік құқықтық актілерді мемлекеттік тіркеу тізілімінде № 2045 тіркелген) 5-қосымшаға сәйкес нысан бойынша Қазақстан Республикасының азаматтығын алғаны туралы анықтама (бұдан әрі – 5 нысанды анықтама) қоса тапсырылса көрсетіледі.

1974 жылғы үлгідегі бұрынғы КСРО паспорты бойынша құжаттандыру үшін азаматтардан: жеке басты куәландыратын құжаттарды уақтылы алмау себептері көрсетілген еркін нысандағы өтініш, барлық тұрған жерін, оқу, жұмыс орындарын көрсете отырып, толық өмірбаян, 1974 жылғы үлгідегі бұрынғы КСРО паспорты, азаматтарды тіркеу кітабы (мекенжай анықтамасы), әскери міндеттілер үшін әскери билет (немесе әскери тіркеу туралы мәліметті растайтын құжат) қабылданады. Халықты құжаттандыруға және тіркеуге уәкілетті қызметкерлер осы Нұсқаулықтың 20-тармағында белгіленген тәртіппен куәландырылған 1974 жылғы үлгідегі бұрынғы КСРО паспортының, азаматтарды тіркеу кітабының, әскери билеттің, (немесе әскери тіркеу туралы мәліметті растайтын құжаттың) көшірмелері тексеру материалына тігіледі.

Паспорттардағы тіркеу мөртаңбасының шынайылығы күмән тудырған немесе болмаған кезде халықты құжаттандыруға және тіркеуге уәкілетті қызметкер азаматты оның азаматтығын растау үшін Қазақстан Республикасының аумағында тіркелу заңдылығына тексеру жүргізеді. Тіркеу туралы мәліметтер аумақтық ішкі істер органдарының картотекалары, ауылдық, ауылдық округтердің шаруашылық кітаптары бойынша тексеріледі. Тіркелу фактісін анықтау үшін бұрынғы тұрған жерлері бойынша сұрау салулар жіберіледі.

Аталған адамға паспорттың берілгенін және фотосуреттердің ұқсастығын растау, сондай-ақ ерекше белгілерінің (шетел мемлекетінің азаматтығы туралы, ауыстыру, паспортты жоғалту, құзыретті органдардың сұрау салулары туралы) болуына тексеру жүргізу үшін халықты құжаттандыруға және тіркеуге уәкілетті

қызметкерлер міндетті түрде 15-қосымшаға сәйкес суреті бар формулярдың көшірмесін (1-нысанды) және оның берілгенін растайтын, 1974 жылғы үлгідегі паспорттарды есепке алу бойынша 2-нысанды кітаптан (бұдан әрі – 2-нысанды кітап) жазбаларды ұсыну туралы сұрау салу жолдайды.

Паспортты елтаңбалы мөрмен расталған 1-н көшірмесі және 2-н кітабынан алынған мәліметтер тексеру материалдарына тігіледі.

Сондай-ақ, халықты құжаттандыруға және тіркеуге уәкілетті қызметкер азаматты Қазақстан Республикасының азаматтығынан шығуы немесе оны жоғалтуы, республикадан тыс жерге тұрақты тұруға кетуі, шетелдік ретінде республика аумағына тіркелуі жөнінде тиісті есептер бойынша тексереді. Тексеру бойынша мәліметтер тексеру материалдарына тігіледі.

Жеке басын анықтау үшін халықты құжаттандыруға және тіркеуге уәкілетті қызметкер азаматтың фотосуреті мен онымен бірге ұсынылған танылатын адамның сыртқы келбетімен мүмкіндігінше ұқсас келетін басқа адамдардың кемінде үш фотосуреті бойынша жақын туыстарын немесе азаматты 15 жылдан артық уақыт білетін адамдарды (екі немесе одан да көп адам) тарта отырып, адамның жеке басын тану хаттамасын толтырады.

Азаматтың жеке басын анықтау және Қазақстан Республикасының азаматтығына тиесілігі расталған жағдайда, халықты құжаттандыруға және тіркеуге уәкілетті қызметкерлер 17-қосымшаға сәйкес нысан бойынша қорытынды (бұдан әрі - жеке басын тексеру және жеке басын куәландыратын құжаттар беру қорытындысы) шығарып, ол жеке басын куәландыратын құжаттарды беру және жеке басын тексеру нәтижесі бойынша қорытындыларды тіркеу журналына тіркеледі, оның нөмірі мен күні формулярдың екінші бетінде көрсетіліп, паспорттық-елтаңбалық мөрмен бекітіледі. 1974 жылғы үлгідегі бұрынғы КСРО паспорты берілгенін растайтын 5-нысандағы анықтама мен 1-нысан көшірмесі болған жағдайда, тексеру материалын қалыптастыру жүргізілмейді, бұл ретте 1-нысандағы көшірмені 5-нысандағы анықтаманың көшірмесімен бірге азаматтық және иммиграция бөлімі береді.

Қазақстан Республикасының аумағында тұрақты тіркелгенін растайтын құжаттар болмаған кезде, оның ішінде 1992 жылғы 1 наурызға немесе азаматтар Қазақстан Республикасының тіркеу есебінен шығарылған және тоғыз ай ішінде Қазақстан Республикасының аумағында жаңа келген орны бойынша тіркелмеген болса, халықты құжаттандыруға және тіркеуге уәкілетті қызметкер азаматтың азаматтығын анықтауға тексеру жүргізеді, тексеру аяқталғаннан кейін оған 5-нысанды анықтама беріліп, ол Қазақстан Республикасы азаматының паспортымен және жеке куәлігімен құжаттандыру үшін негіз болып табылады. 5-нысандағы анықтама болған жағдайда қосымша тексеру материалдары қалыптастырылмайды. Формулярды ресімдеу кезінде Қазақстан

Республикасының азаматтығына тиесілігі туралы анықтаманың нөмірі мен күні
формулярдың екінші бетіндегі бос орында көрсетіледі және
паспорттық-елтаңбалық мөрмен расталады.

1974 жылғы үлгідегі бұрынғы КСРО паспортын жоғалтқан кезде
құжаттандырылу үшін азаматтардан:

жеке басын куәландыратын құжаттарды уақтылы алмау және жоғалту
себептері көрсетілген еркін нысандағы өтініш;

барлық тұрған, оқыған, жұмыс істеген жерлері көрсетілген толық өмірбаян;

азаматтарды тіркеу кітабы (мекенжай анықтамасы);

әскери міндеттілер үшін әскери билет (немесе әскери тіркеу туралы
мәліметтерді растайтын құжат) қабылданады.

Халықты құжаттандыруға және тіркеуге уәкілетті қызметкерлер осы
Нұсқаулықтың 20-тармағында белгіленген тәртіпте куәландырылған азаматтарды
тіркеу кітабының, әскери билеттің (немесе әскери тіркеу туралы растайтын
мәліметтің) көшірмелерді тексеру материалына тігеді.

Халықты құжаттандыруға және тіркеуге уәкілетті қызметкерлер аталған
адамға паспорттың берілгенін және фотосуреттердің ұқсастығын растауға,
азаматтарды және Қазақстан Республикасының азаматтығын растау үшін
Қазақстан Республикасы аумағында тіркелу заңдылығына, сондай-ақ Қазақстан
Республикасының азаматтығынан шығу мәніне ішкі істер органдарының есебі
бойынша немесе оны жоғалту, республикадан тыс жерлерге тұрақты тұруға
кетуге, республика аумағында шетел азаматы ретінде тіркелуіне тексеру
жүргізеді. Тексеру бойынша мәліметтер тексеру материалдарына тігіледі.

Халықты құжаттандыруға және тіркеуге уәкілетті қызметкер азаматтың
фотосуреті мен біруақытта ұсынылған танылатын адамның сыртқы келбетімен
мүмкіндігінше ұқсас келетін басқа адамдардың кемінде үш фотосурет бойынша,
жақын туыстарын немесе азаматты 15 жылдан артық уақыт білетін адамдарды (
екі немесе одан да көп адам) тарта отырып, адамның жеке басын тану
х а т т а м а с ы н т о л т ы р а д ы .

Азаматтардың 1974 жылғы үлгідегі бұрынғы КСРО паспорттарын жоғалту
туралы өтініштерінің негізінде 18-қосымшаға сәйкес нысан бойынша 1974
жылғы үлгідегі паспортты жоғалтқаны туралы іс басталады. Осы іске тіркеу
нөмірі беріледі: алымы - өтініштердің тіркеу нөмірі, бөлімі - ағымдағы жылдағы
істердің реттік нөмірі. 1974 жылғы үлгідегі КСРО паспорттарын жоғалту туралы
істер 19-қосымшаға сәйкес нысан бойынша 1974 жылғы үлгідегі КСРО
паспорттарын жоғалту туралы істерді тіркеу журналында тіркеледі.

Азаматтың жеке басы анықталған және Қазақстан Республикасы
азаматтығына тиесілігі расталған жағдайда, халықты құжаттандыруға және
тіркеуге уәкілетті қызметкерлер екі жұмыс күні ішінде жеке басын тексеру

нәтижелері және жеке басын куәландыратын құжаттарды беру бойынша қорытынды шығарады, оны Ішкі істер басқармасының (бөлімінің) бастығы не болмаса оның орынбасары бекітеді және қорытындыларды тіркеу журналында т і р к е л е д і .

Формулярдағы 9, 10, 11-жолдарда жоғалған 1974 жылғы үлгідегі бұрынғы КСРО паспортының деректері жазылады, формулярдың сыртқы бетіндегі бос орынға паспортты елтаңбалық мөрмен куәландырылған жоғалту туралы істің н ө м і р і мен кү н і ж а з ы л а д ы .

Қазақстан Республикасының аумағында тұрақты тіркелгенін растайтын құжаттар болмаған кезде, оның ішінде 1992 жылғы 1 наурызға немесе азаматтар Қазақстан Республикасының тіркеу есебінен алынған болса және тоғыз ай ішінде Қазақстан Республикасының аумағында жаңа келген орны бойынша тіркелмеген болса, халықты құжаттандыруға және тіркеуге уәкілетті қызметкер азаматтың азаматтығын анықтауға тексеріс жүргізеді, аяқталғаннан кейін Қазақстан Республикасы азаматының паспортымен және жеке куәлігімен құжаттандыру үшін негіз болып табылатын Қазақстан Республикасының азаматтығына тиесілігі туралы а н ы қ т а м а беріледі .

5-нысандағы анықтама болған жағдайда қосымша тексеру материалдары жинақталмайды формулярды ресімдеген кезде Қазақстан Республикасының азаматтығына тиесілігі туралы анықтаманың нөмірі мен күні формулярдың екінші бетіндегі бос орында көрсетіледі және паспорттық елтаңбалық мөрмен р а с т а л а д ы .

Жеке басты куәландыратын құжаттар алу үшін қолдаухатпен алғаш рет өтініш білдірген және туу туралы куәлігін ұсынған 18 жастан асқан адамдарға формулярды ресімдеу туралы шешім олардың жеке басын тексеріп, Қазақстан Республикасы азаматтығына тиесілігін анықтағаннан кейін қабылданады. Халықты құжаттандыруға және тіркеуге уәкілетті қызметкер жеке басын куәландыратын құжаттар алу мәселесі бойынша өтініш беруші адамнан:

жеке басты куәландыратын құжатты уақтылы алмау себебі көрсетілген еркін н ы с а н д а ғ ы ө т і н і ш ;

барлық тұрған жері, оқу, жұмыс орындары толық көрсетілген өмірбаян; азаматтарды тіркеу кітабын (мекенжай анықтамасы);

туу туралы куәлігін;

әскери міндеттілер үшін әскери билет (немесе әскери тіркеу туралы мәліметтерді растайтын құжат);

ата-анасының біреуінің жеке басын куәландыратын құжаттарын қабылдайды.

Халықты құжаттандыруға және тіркеуге уәкілетті қызметкерлер осы Нұсқаулықтың 20-тармағында белгіленген тәртіппен растаған туу туралы куәліктің, азаматтарды тіркеу кітабының, шақыру билетінің не болмаса әскери

билеттің және ата-анасының біреуінің жеке басын куәландыратын құжаттарының көшірмелерін тексеру материалына тігеді.

Ұсынылған туу туралы куәлікті растау үшін халықты құжаттандыруға және тіркеуге уәкілетті қызметкерлер АХАЖ органдарынан туу туралы акт жазбасының көшірмесін сұратады.

Халықты құжаттандыруға және тіркеуге уәкілетті қызметкерлер жақын туыстарын (бір немесе одан да көп), олар болмаған жағдайда, оны 5 жылдан кем білмейтін (екі адамнан кем емес) адамдарды тарта отырып, оның жеке басын растау анықтамасын толтырады.

Екі жұмыс күні ішінде жеке басын тексеру және жеке басын куәландыратын құжаттарды беру нәтижелері бойынша қорытынды шығарылады, оған ішкі істер басқармасының (бөлімінің) бастығы немесе оның орынбасары бекітеді, содан кейін ол қорытындыларды тіркеу журналында тіркеледі.

Формулярдағы 9, 10, 11-жолдарда туу туралы куәліктің деректері жазылады, сыртқы бетіндегі бос орынға паспортты елтаңбалық мөрмен куәландырылған жеке басын тексеру және жеке басын куәландыратын құжаттар беру туралы қорытындының нөмірі мен күні, 5-нысан берілетін анықтаманың нөмірі мен күні (оның болған жағдайда) жазылады.

Қазақстан Республикасы азаматының жеке басын куәландыратын құжаттары және Қазақстан Республикасы аумағында кәмелеттік жасқа дейін тұрақты тіркеуде жоқ 18 жастан асқан адамдар, Қазақстан Республикасы азаматтығына тиесілі анықтау үшін халықты құжаттандыруға және тіркеуге уәкілетті қызметкер тексеріс жүргізеді, аяқталғаннан кейін оларға Қазақстан Республикасы азаматының жеке куәлігімен және паспортымен құжаттандыру үшін негіз болатын Қазақстан Республикасының азаматтылығына тиесілігі туралы анықтама беріледі.

5-нысандағы анықтама болған жағдайда тексеру материалдары жинақталмайды.

Формулярды ресімдеу кезде 5-нысан анықтаманы беру күні мен нөмірі формулярдың екінші бетіндегі бос орында көрсетіледі және паспорттық елтаңбалық мөрмен расталады.

Бұл ретте жоғалған 1974 жылғы үлгідегі бұрынғы КСРО паспортының сериясы, нөмірі, күні мен оны берген орган 5-нысандағы анықтаманың сыртқы бетіне жазылады және елтаңбалық мөрмен расталады.

1974 жылғы үлгідегі бұрынғы КСРО паспорты берілгенін растайтын 5-нысандағы анықтама мен 1-нысан көшірмесі болған жағдайда, тексеру материалын қалыптастыру жүргізілмейді, бұл ретте 1-нысандағы көшірмені 5-нысандағы анықтаманың көшірмесімен бірге азаматтық және иммиграция бөлімі береді.

«Азаматтар Қазақстан Республикасының азаматтығына тиесілігі туралы 5-нысандағы анықтаманы оларды бергеннен кейін кемінде бір жыл өткен соң ұсынса, олар 5-нысандағы анықтаманы қайта алуға жіберіледі.

5-нысандағы анықтамалар (немесе олардың телнұсқалары) аумақтық бөліністерде ұдайы сақталуы тиіс).

«12» коды Қазақстан Республикасының азаматтығын қабылдаған адамдарға формуляр толтыру кезінде көрсетіледі. Бұл ретте 9, 10, 11-жолдарда Қазақстан Республикасының азаматтығын қабылдағаны туралы анықтама деректері Қазақстан Республикасы Ішкі істер министрінің 2002 жылғы 23 тамыздағы № 556 бұйрығымен бекітілген (Нормативтік құқықтық актілерді мемлекеттік тіркеу тізілімінде № 2045 болып тіркелген) Қазақстан Республикасы ішкі істер органдарының Қазақстан Республикасының азаматтығымен байланысты мәселелерді қарауы жөніндегі нұсқаулыққа 6-қосымшаға сәйкес нысан бойынша (бұдан әрі – 6-нысандағы анықтама) жазылады. 15-жолда бұрынғы азаматтығы (азаматтығы жоқ адамдар үшін – АЖТ «990» коды), сондай-ақ Қазақстан Республикасының азаматтығын қабылдаған күні жазылады.

Қазақстан Республикасының азаматтығын қабылдау туралы Қазақстан Республикасы Президенті Жарлығының (бұдан әрі – Жарлық) нөмірі немесе Қазақстан Республикасының азаматтығын оңайлатылған тәртіппен қабылдау туралы ішкі істер органдарының қорытындысы формулярдың сыртқы бетіндегі бос орында көрсетіледі және паспорттық елтаңбалық мөрмен расталады.

Бұрын ата-аналарымен бірге Қазақстан Республикасының азаматтығына қабылданған балаларға Қазақстан Республикасы азаматының жеке куәлігін немесе паспортын ресімдеуді олардың ата-аналарын Қазақстан Республикасының азаматтығына қабылдау туралы анықтамалардың немесе анықтама телнұсқаларының негізінде жүзеге асыру қажет. Формулярдың сыртқы бетіндегі бос орында туу туралы куәліктің нөмірі, күні және берген орган, сондай-ақ Жарлықтың нөмірі не болмаса Қазақстан Республикасының азаматтығына қабылдау туралы ішкі істер органдарының қорытындылары көрсетіледі.

Ата-аналарын Қазақстан Республикасының азаматтығына қабылдау туралы анықтамада балалары болмаған жағдайда, балаларды ресімдеу «Қазақстан Республикасының азаматтығы туралы» Қазақстан Республикасы Заңының 22-бабына сәйкес туу туралы куәліктің негізінде жүзеге асырылады.

Заңдастырылмауына немесе апостиль қойылмауына байланысты туу туралы куәліктер формуляр ресімдеу үшін негіз бола алмаған жағдайларда, балаларды ресімдеу балалардың анықтамалық деректерін көрсете отырып, олардың ата-аналарына ішкі істер органдары беретін 6-нысандағы анықтаманың ұсынылған телнұсқалары бойынша жүзеге асырылады. Формулярдың сыртқы бетіндегі бос орында 6-нысандағы анықтаманың телнұсқасы оның атына

берілген ата-анасының жеке куәлігінің нөмірі, күні және берген орган, сондай-ақ Қазақстан Республикасының азаматтығына қабылдаған Жарлықтың нөмірі міндетті түрде көрсетіледі.

Бұрын ата-аналарымен бірге Қазақстан Республикасының азаматтығына қабылданған, бірақ Қазақстан Республикасы азаматының жеке басын куәландыратын құжаттарды уақтылы алмаған 18 жастан асқан адамдарды ресімдеу ішкі істер органдары қайта беретін Қазақстан Республикасының азаматтығына қабылдау туралы 6-нысандағы анықтаманың негізінде жүзеге асырылады.

6-нысандағы анықтамалар (немесе олардың телнұсқалары) аумақтық бөліністерде ұдайы сақталуы тиіс.

«13» коды тек паспорт жоғалтқан азаматтарға формуляр толтыру кезінде көрсетіледі. Бұл ретте формулярдағы 9, 10, 11-жолдарда жеке куәліктің деректері жазылады, сыртқы бетіндегі бос орынға азаматтың паспортты қалпына келтіру туралы өтінішінің паспортты елтаңбалық мөрмен куәландырылған нөмірі мен күні жазылады.

16 жасқа дейін балаға дайындалған паспорт жоғалған жағдайда, құжатын қалпына келтіру туралы өтінішті оның ата-анасының біреуі немесе заңды өкілі жазылады.

«14» коды формулярды елді мекен атауының өзгеруіне байланысты ресімдеу кезінде көрсетіледі. 14-жол толтырылмайды, ал 9, 10, 11-жолдарда қолындағы жеке куәлігінің деректері жазылады.

«15» коды формулярды Қазақстан Республикасында тұрақты тұру үшін шетелден қайтып оралған Қазақстан Республикасының азаматтарына жеке куәлік ресімдеу кезінде көрсетіледі. Бұл ретте 14-жол (бұрынғы тұрғылықты жері) толтырылады, ал 9, 10, 11-жолдарда арызданушының қолындағы Қазақстан Республикасы паспортының деректері жазылады.

«16» коды құжаттарды дайындаудың жаңа технологиясына сәйкес олардың түрлерінің өзгеруіне байланысты иесінің қалауы бойынша формулярды жеке куәлікке және паспортқа ресімдеу кезінде көрсетіледі.

«17» коды жеке куәлік немесе паспорттың негізінде алғаш рет құжат алуға формуляр толтыру кезінде көрсетіледі. Бұл ретте 9, 10, 11-жолдарда қолындағы жеке куәлігінің немесе паспортының деректері жазылады.

«18» коды жеке басын куәландыратын құжаттың жарамдылық мерзімі өтуіне байланысты формуляр толтыру кезінде көрсетіледі, ал 9, 10, 11-жолдарда өтініш иесінің қолындағы жеке куәлігінің деректері жазылады. Формулярды толтыруға жеке басты куәландыратын құжаттың жарамдылық мерзімінің өтуіне бір ай қалғанда рұқсат етіледі.»;

22-тармақ мынадай редакцияда жазылсын:

«22. Құжаттандыру мәселелері бойынша азаматтар ұсынған құжаттың түпнұсқалығына немесе Қазақстан Республикасының азаматтығына тиесілігі күмән тудырса, сондай-ақ халықты құжаттандыруға және тіркеуге уәкілетті қызметкер формулярды негізсіз ресімдегені анықталған кезде құжаттандырылатын адамның жеке басын қосымша тексеру жүргізіледі.

Жоғарыда көрсетілген санаттағы азаматтарды тексеру аяқтағаннан кейін халықты құжаттандыруға және тіркеуге уәкілетті қызметкер екі жұмыс күні ішінде олардың жеке басын анықтау және жеке басын куәландыратын құжаттарды беру бойынша қорытынды шығарады, оны ішкі істер басқармасының (бөлімінің) бастығы немесе оның орынбасары бекітеді, содан кейін қорытындыларды тіркеу журналына тіркейді.»;

27-тармақ мынадай редакцияда жазылсын:

«27. Толтыру негізділігіне және дұрыстығына формулярларды, сондай-ақ Қазақстан Республикасының азаматтығын қабылдауға байланысты ресімделген адамдарды және оңайлатылған тәртіпте Қазақстан Республикасы азаматтығын қабылдаған адамдар бойынша ішкі істер органының тізімдерімен және Жарлықпен салыстыра тексергеннен кейін ішкі істер департаменттері аудандық, қалалық бөліністерден алған тізілімдер мен формулярлардың негізінде ІІМ КҚПК формулярларды жөнелту үшін аудандық, қалалық көші-қон полициясы бөлінісінің атауын, аудандық, қалалық тізілімдердің шығыс нөмірлерін және толтырылған күнін, олардағы формулярлардың санын көрсете отырып, 21-қосымшаға сәйкес нысан бойынша үш данада жиынтық тізілімін (бұдан әрі – жиынтық тізілім) толтырады.

Бірінші және екінші санатты жеделдік бойынша толтырылған формулярлар үшін ішкі істер департаменттерінде тексеру мерзімі келіп түскен күннен бастап бір жұмыс күнін, үшінші санатты жеделдік – екі жұмыс күнін, қарапайым тәртіппен толтырылған формулярлар үшін, толтырылған күннен бастап бес жұмыс күніне дейін құрайды.

Жиынтық тізілімдеріне Ішкі істер департаменті халықты құжаттандыру және тіркеу бөлімінің бастығы қол қояды және аудандық (қалалық) бөліністер тізілімдерінің екінші данасын қоса отырып, ІІМ КҚПК-ға жіберіледі, жиынтық тізілімнің бір данасы мен аудандық (қалалық) бөлініс тізілімінің бір данасы Ішкі істер департаментінің жеке номенклатуралық ісінде қалады.

Ішкі істер департаменттерін тексерген кезде пысықтауға жататын анықталған формулярлар алу себебін міндетті көрсете отырып, аудандық, қалалық бөліністер тізілімдерінен алынады және жиынтық тізілімдерді құрастырған кезде есепке алынбайды.»;

28-тармақ мынадай редакцияда жазылсын:

«28. ІІМ КҚПК деректер базасындағы адам туралы мәліметтердің сәйкес

келмеуіне байланысты «АӨО» РМК-дан формулярларды қайтару кезінде негізсіз құжаттандыру фактілерін анықтау бойынша жұмыс жүргізеді.

Аудандық, қалалық бөліністердің тізілімдері мен Ішкі істер департаменті бөлімінің тізілімдері бар формулярлар құжаттар дайындау үшін ІІМ КҚПК-ден «АӨО» РМК-ның өндірісіне жолданады, содан кейін оларды одан әрі ішкі істер департаменттеріне жіберу үшін формулярлармен және дайын құжаттармен бірге қ а й т а р ы л а д ы .

«Іздестіру» белгісі бар дайын құжаттар «АӨО» РМК-дан келіп түскен кезде оларды жеке тізіліммен іздестірудегі ресімделіп жатқан орны бойынша Ішкі істер департаментінің Көші-қон полициясы басқармасына жібереді.»;

34-тармақ мынадай редакцияда жазылсын:

«34. Берілген жеке куәліктер, паспорттарға арналған формулярлар ішкі істер органдарында арнайы картотекаларда сақталады. Бұл ретте бір азаматтың анық деректеріне түрлі себептер бойынша ресімделген формулярлар бекітіледі және бірге сақталады. Азаматтың тегін ауыстыруы бойынша ресімделген формуляр картотекада әліпбиге сәйкес басқалардан бөлек қойылады, бұл ретте соңғы формулярда анықтамалық деректерін өзгерткені туралы белгі қойылады, формулярдың нөмірі мен азаматтың жаңа анықтамалық деректері көрсетіледі.

Картотека оларды толтыру және азаматтардың тіркелу жері бойынша ішкі істер органдарының өрт-күзет сигнализациямен жабдықталған, терезелері торланған, темір есікпен қапталған жеке оқшауланған үй-жайларда орналасуы қ а ж е т .

Дайындалған құжаттарға арналған формулярларды жоғалтпас үшін картотекамен жұмыс істеу үшін оның сақталуына жауап беретін функциялық міндеттер жүктелетін қызметкерлер бөлінеді. Функционалдық міндеттеріне осы жұмыстар жатпайтын қызметкерлердің картотекаға кіруіне үзілді-кесілді тыйым с а л ы н а д ы .

Формулярды картотекаға орналастыру құжаттарды иелеріне негізді беру фактісі ішкі комиссия тексергеннен кейін және 2-н журналмен салыстыра тексерілгеннен кейін жүргізіледі.

Формулярларды картотекаға орналастыру қатаң түрде әліпби ретімен жүргізіледі. Тегі бірдей әріптен басталатын адамдардың 1-н арызы теріліп алынады және тегінің екінші әрпі бойынша, одан кейін үшінші т.с.с. әліпби ретімен орналастырылады.

Мысалы: Абдыхалықов, Авдеев, Ағыбергенов;
Базаров, Байытов, Бактұрсынов және т.б.

Тегі бірдей адамдардың формулярларды картотекаға аты мен әкесінің аты бойынша әліпби ретін сақтай отырып орналастырылады.

Мысалы: Азаров Алексей Антонович, Азаров Алексей Артемович, Азаров

Картотекаға енгізу үшін Қазақстан Республикасы ІІМ-нің КҚПК-дан деректер

базасынан Қазақстан Республикасы ІІМ КҚПК-ның паспорттық елтаңбалық мөрімен расталған фотосуреті бар ақпарат сұратылады.»;

35-тармақ мынадай редакцияда жазылсын:

«35. Қазақ халқының қалыптасқан дәстүрлеріне сәйкес ұлты қазақ адамдардың тегін және әкесінің атын жазу «Ұлты қазақ азаматтардың тегі мен әкесінің атын жазуға байланысты мәселелерді шешу тәртібі туралы» Қазақстан Республикасының Президенті Жарлығының талаптарына сәйкес жүргізіледі.

Ұлты қазақ адамдар тегін және әкесінің атын жазуды өзгерту туралы өтінішпен ішкі істер органдарына жүгінген кезде азаматтар қалаған тегін, әкесінің атын мемлекеттік және орыс тілдерінде көрсете отырып, ауыстыруға жататын құжаттар туралы мәліметтермен бірге ерікті нысанда жазылған өтініш б е р е д і .

Өтінішке мынадай құжаттардың бірі: туу туралы куәлік (жеке басты куәландыратын құжатты алғаш алатын кезде); ауыстыруға жататын жеке куәлік, паспорт; 6-нысандағы куәлік қоса беріледі.

Қазақ халқының дәстүріне сәйкес тегінің, әкесінің атының жазылуын өзгертуге ниет білдірген Қазақстан Республикасының азаматтарына формулярлар толтыруға мынадай талаптар қойылады.

Формулярдың 1-жолында паспорт, жеке куәлік беру себебі – «04» коды (тегінің, әкесінің атының жазылуын өзгерту) көрсетіледі.

Өтініш берушінің қалауы бойынша 2-жолда мемлекеттік және орыс тілдерінде тегі, 3 жолда – аты, ал 4 жолда - әкесінің аты жазылады. Тегінің жазылуында қазақ тіліне тән емес қосымшалар алынып тасталып, түбір негіздері сақталады, әкесінің атын жазған кезде қазақ тіліне тән емес қосымшалардың орнына әкесінің есіміне адамның жынысына қарай «ұлы, ұлы; кызы, кызы» қосымшалары қосып жазылады. Мысалы, Наурызбаев Булат Керимович Наурызбаев Болат Керимулы немесе Наурызбай Болат Керімұлы болып, Кадырова Рысты Мадиевна Кадыр Рысты Мадикызы немесе Қадыр Рысты М ә д и қ ы з ы б о л ы п ж а з ы л а д ы .

Сонымен қатар Т.А.Ә. кездесетін қазақ тіліне тән емес әріп тіркестері алынып тасталады, мысалы, Джандосов Джумабай Джандосович Жандос Жұмабай Жандосулы (ұлы) болып, Чоканов Рыскали Джумабаевич Шоқан Ырыскали Жұмабайулы (ұлы) болып жазылады.

Енгізілген өзгерістердің астынан 2, 3, 4-жолдардан азаматтың Т.А.Ә. бұрынғы жазылуы көрсетіледі.

Бұл ретте қазақ халқының қалыптасқан салтына сәйкес тегі мен әкесінің аты өзгертілген ұлты қазақ адам өтініш білдірген кезде, паспорт пен жеке куәлікті олар ұсынған туу туралы куәліктерге сәйкес олардың тегі мен әкесінің атын

бұрынғыша жазып ресімдеуге болады.»;
38-тармақ мынадай редакцияда жазылсын:

«38. Бас бостандығынан айыру орындарында жазасын өтеп жүрген және қандай да бір себептер бойынша Қазақстан Республикасы азаматының жеке басын куәландыратын құжаттары жоқ Қазақстан Республикасының азаматтары мен тергеу қамауындағыларды ішкі істер органдары жалпы тәртіппен түзеу мекемелерінің немесе алдын ала оқшаулау органдарының орналасқан жері бойынша құжаттандырады.

Егер жеке куәлік 1974 жылғы үлгідегі бұрынғы КСРО паспортын көрсеткен немесе жоғалтқаны бойынша оны қалпына келтірген, сондай-ақ жеке басты куәландыратын құжаттар беру туралы алғаш рет өтініш білдірген және туу туралы куәлік ұсынған 18 жастан асқан адамдарға алғаш рет ресімделіп жатса, олардың азаматтығын, жеке басын анықтау, құжаттың берілгенін және фотосуреттің сәйкестігін растау үшін тексеру материалдарын қалыптастыруды қылмыстық қудалау органдары немесе қылмыстық-атқару жүйесі мекемесі жүзеге асырады.

Формулярда «тұрғылықты жері» деген жолда сотталған жазасын өтеп жатқан мекеме көрсетіледі.

Дайындалған жеке куәліктер сотталғандардың жеке істерінде сақталады.

Бас бостандығынан айыру орындарында жазасын өтеп жүрген адамдарға бас бостандығынан айыру орындарынан босатылған кезде жеке куәлік беріледі. Электронды ақпарат ұстағышы жоқ жеке куәлік азаматтың тұрғылықты жері бойынша ауыстырылуға жатады.

Бас бостандығынан айыру орындарынан мерзімінен бұрын шартты түрде не болмаса мерзімін өтегеннен кейін босаған, оған қатысты әкімшілік қадағалау белгіленген сотталғанды тұрғылықты жері бойынша тіркеген кезде профилактикалық есепке қойылғаны туралы қоғамдық қауіпсіздік бөлінісінің белгісі бар босатылу туралы анықтама талап етіледі. Босатылғаны туралы анықтаманы жоғалтқан жағдайда, бас бостандығынан айыру орындарынан босатылған адам профилактикалық есепке қойылғаны туралы қоғамдық қауіпсіздік бөлінісінің анықтамасын ұсынады.»;

63-тармақ мынадай редакцияда жазылсын:

«63. Электронды формулярларды кодтар бойынша толтыру кезінде: «00», «01» - ЖСН бар туу туралы көрсетілген куәлік бойынша немесе ЖСН беріліп тіркелген туу туралы куәлік бойынша деректер базасындағы ЖСН бойынша сәйкестендіру жүргізіледі. Туу туралы куәлігінде ЖСН болмаған жағдайда адамды сәйкестендіру жүргізілмейді, ал мәліметтерді электронды формулярға халықты құжаттандыру және тіркеу уәкілетті қызметкерлері туу туралы куәлікке сәйкес енгізеді.

Егер азамат 16 жасқа дейін паспорт алған жағдайда, онда ол 16 жасқа толған соң, электрондық формулярды толтыру кезінде паспорттың деректері де көрсетіледі, ал «қосымша негіздеме» жолына туу туралы куәліктің деректері е н г і з і л е д і .

Туу туралы куәліктің негізінде толтырылған электрондық формулярға ата-анасының біреуінің жеке куәлігінің нөмірі, берілген күні және оны берген орган туралы мәліметтер «қосымша негіздеме» жолына енгізіледі.

«04» - неке қию, бұзу, анықтау деректерін ауыстыру туралы, туу туралы куәлікті қайтадан алуы туралы куәліктің нөмірі, күні және оны берген органның атауы көрсетіледі. Анықтау деректерін өзгерту туралы ішкі істер органы қорытындысының нөмірі мен күнін халықты құжаттандыру және тіркеу органының уәкілетті қызметкері электрондық формулярдың «қосымша негіздеме» ж о л ы н а е н г і з е д і ;

«05» - анықтау деректерін ауыстыру, туу туралы куәлікті қайтадан алу туралы куәліктің нөмірі, күні және берген органның атауы, туған күнін ауыстыру туралы ішкі істер органы қорытындысының нөмірі мен күнін халықты құжаттандыру және тіркеу органының уәкілетті қызметкері «қосымша негіздеме» ж о л ы н а е н г і з е д і ;

«06» - анықтау деректерінде, туған жеріндегі мәліметтерде қайшылықтар анықталған жағдайда, тексеріс аяқталғаннан кейін «қосымша негіздеме» жолында электронды формулярға өзгерістер енгізілгенін растайтын құжаттардың деректері е н г і з і л е д і .

Деректер базасындағы азаматтың фотосуретінің жеке басын куәландыратын құжаттағы фотобейнесімен сәйкес келмейтіні анықталған кезде халықты құжаттандыру және тіркеу органының уәкілетті қызметкері құжаттандырылушының жеке басы және құжаттардағы сәйкес келмеу себептері міндетті түрде тексеріледі. Тексеріс нәтижелері бойынша мүмкіндігіне қарай танылушы адаммен сыртқы түрі ұқсас, кемінде үш басқа адамның фотокарточкаларымен бірге бір уақытта ұсынылған оның фотокарточкасы бойынша жақын туыстарының не азаматты кемінде 10 жыл білетін адамдарды (екі және одан көп адамды) тарта отырып, 12-қосымшадағы нысан бойынша азаматтың жеке басын тану хаттамасы жасалады, содан кейін екі жұмыс күні ішінде қорытынды шығарылады және формулярмен және жою туралы актімен бірге Қазақстан Республикасы ІІМ-нің КҚПК-ға жіберіледі. Қорытындыны тіркеу қорытындыларды тіркеу журналында жүргізіледі. «Қосымша негіздеме» жолында жеке басын анықтау жөніндегі қорытындының нөмірі мен күні көрсетіледі, ал «қосымша ақпарат» жолында фотосуреттердің сәйкес келмеуі себептері кө р с е т і л е д і .

Азаматтың фотосуреттерінің сәйкестігі расталған жағдайда «қосымша

ақпарат» жолында «№ жеке куәліктегі (паспорттағы) және № электрондық өтінімдегі азамат(ша) Т.А.Ә. фотосуреттерінің сәйкестігі Ішкі істер басқармасының (бөлімінің) (хаттама жасалған күні) жеке басын тану хаттамасымен расталады» деп көрсетіледі, ал «қосымша негіздеме» жолында жеке басын анықтау жөніндегі қорытындының нөмірі мен күні көрсетіледі;

«07» - коды құжат пайдалануға жарамсыз болған (бүлінуі, ескіруі, техникалық ақаулар, паспорттың барлық беттерінің пайдаланылуы, жеке басын куәландыратын құжатта ЖСК-ның болмауы) жағдайларда көрсетіледі. Бұл ретте электрондық формулярды ресімдеу негіздемесі ретінде жарамсыз құжаттың деректері жазылады, ал «қосымша ақпарат» жолында құжат жарамсыз болуының нақты себебі көрсетіледі.

Бүлінуіне, ескіруіне, жеке адамды сәйкестендіруі мүмкін болмауына байланысты пайдалануға жарамсыз құжат формулярды толтыру кезінде алынады, бұл ретте азаматтың қалауы бойынша уақытша жеке куәлік беріледі.

«08» - ұлтын өзгерту туралы қорытындының нөмірі мен күні электронды формулярдың "қосымша негіздеме" жолына енгізіледі;

«09» - азаматтың өтінішінің тіркеу нөмірі мен күні «қосымша негіздеме» жолына енгізіледі;

«10» - егер қала немесе облыс ішінде заңды мекенжайы ауыстырылған жағдайда азаматтың жеке куәлігіндегі «заңды мекенжай» бағанында оның тек тұратын қаласы немесе облысы көрсетілген жағдайда жеке куәлік ауыстырылмады.

Егер жеке куәлікте тіркеудің жаңа мекенжайына сәйкес келмейтін толық заңды мекенжайы көрсетілсе (қала, аудан, көше, үй, пәтер), онда тіркеусіз ХҚТ ТП-ның ақпараттық жүйесі арқылы жеке куәлікті ауыстыру талап етіледі. Бұл ретте аумақтық ішкі істер органының мекенжай картотекасына қосу үшін мекенжайға келу парағы мен статистикалық органға жолдау үшін келу парағына статистикалық талон толтырылады.

«12» - электронды формулярды толтыруға Қазақстан Республикасының азаматтығына қабылдау туралы анықтама негіз болады. Жарлық нөмірі немесе Қазақстан Республикасы азаматтығына қабылдағаны туралы ішкі істер органының қорытындысы «қосымша негіздеме» жолына көрсетіледі, ал "қосымша ақпарат" жолында азаматтың бұрынғы азаматтығы көрсетіледі.

«13» - «қосымша негіздеме» жолына азаматтың жоғалған паспортын қайта қалпына келтіру туралы арызының тіркеу нөмірі мен күні енгізіледі.»;

82-тармақ мынадай редакцияда жазылсын:

«82. Балаларға ЖСН генерациялау үшін ата-аналарының бірі (заңды өкілі) балалардың тұрғылықты жері бойынша тіркелгенін растайтын азаматтарды тіркеу кітабын, не болмаса мекенжай анықтамасын, туу туралы куәлік пен

ата-анасының (заңды өкілінің) бірінің жеке куәлігін ұсынады.»;

83-тармақ мынадай редакцияда жазылсын:

«83. Балалардың анықтамалық деректері туу туралы куәлігіне сәйкес жазылады, онда берген күні, нөмірі және оны берген орган атауы көрсетіледі.

ЖСН генерациялау үшін электрондық өтінім ресімдеген кезде баланың туу туралы куәлігі міндетті түрде сканерленеді және электрондық өтініммен бірге орталық торапқа жолданады.

Туу туралы куәлікте ата-аналары немесе олардың біреуі туралы қандай да бір мәліметтер болмаса, электрондық өтінімдегі тиісті жолдар толтырылмайды.»;

Қазақстан Республикасының халқын құжаттандыру және тіркеу қағидаларын қолдану туралы нұсқаулыққа 6-қосымша осы бұйрыққа қосымшаға сәйкес жаңа редакцияда жазылсын.

2. Қазақстан Республикасы Ішкі істер министрлігін Көші-қон полициясы комитеті (П.К. Нокин) осы бұйрықты Қазақстан Республикасының Әділет министрлігіне мемлекеттік тіркеуге жолдасын және мемлекеттік тіркелгеннен кейін оны ресми жариялауды қамтамасыз етсін.

3. Осы бұйрықтың орындалуын бақылау Ішкі істер министрінің орынбасары Қ.С. Тыныбековке және Қазақстан Республикасы Ішкі істер министрлігінің Көші-қон полициясы комитетіне (П.К. Нокин) жүктелсін.

4. Осы бұйрық алғаш ресми жарияланған күннен бастап қолданысқа енгізіледі.

Қазақстан Республикасының

Ішкі істер министрі

Қ. Қасымов

Қазақстан Республикасының халқын
құжаттандыру және тіркеу қағидаларын
қолдану туралы нұсқаулыққа
6 қосымша
нысан

Жоғалған, заңсыз берілген паспорттар және жеке куәліктер, өзге мемлекеттің азаматтығын қабылдағаны туралы ақпарат болу кезінде – алынып қойылмаған, жаңа құжат ауыстыру кезінде және азаматтың қайтыс болуына байланысты тапсырылмаған құжаттар туралы «___» _____20___ж. мерзіміндегі мәліметтер

№ п/п	Паспорт (жеке куәлік) иесінің Т.А.Ә., туған жылы	паспорт (жеке куәлік) №, берілген мерзімі	Мына себептер бойынша алынып қойылады
1.			
2.			

Ішкі істер органның басшысы

(қолы)

(А.Ә.Т.)

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК